



ՄԱՆԿԱՎԱՐԺԱԿԱՆ ՀԱՄԱԼՍԱՐԱՆ

20 ՀՈԿՏԵՄԲԵՐԻ, 2016 թ.
№ 12 (997)

Թերթի առաջին համարը լույս է տեսել 1965 թ. մարտի 11-ին
երկշաբաթաբերթ • հրատարակման 51-րդ տարի

ԽԱՉԱՏՈՒՐ ԱԲՈՎՅԱՆԻ ԱՆՎԱՆ ՀԱՅԿԱԿԱՆ ՊԵՏԱԿԱՆ ՄԱՆԿԱՎԱՐԺԱԿԱՆ ՀԱՄԱԼՍԱՐԱՆԻ ՊԱՇՏՈՆԱԹԵՐԹ

ԵՌՕՐՅԱ ԱՅՑ ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅՈՒՆ



Մանկավարժական համալսարանի պատվիրակությունը եռօրյա այցով Հայկական երկրորդ հանրապետությունում էր: Արցախ այցի նպատակը ինչպես գործնական էր, այնպես էլ ճանաչողական. «արվյանականները» մասնակցեցին տարաբնույթ միջոցառումների, եղան պատմամշակութային վայրերում, այցելեցին սահմանամերձ գրամաս, իսկ Արցախի պետական համալսարանի հետ համագործակցության շրջանակներում մշակեցին հետագա անելիքները:

Մանկավարժական համալսարանի պատվիրակությունը մասնակցեց Ստեփանակերտի «Վերածնունդի» հրապարակում մեծ շուքով մշակող Բերքի տոնին, որտեղ Արցախի բոլոր շրջաններից մայրաքաղաք ժամանած գյուղմթերք արտադրողները տոնա-

կան սեղաններ էին բացել՝ ներկայացնելով իրենց ձեռքով մշակած ու պատրաստած բերքն ու բարիքը:

Միջոցառման սկզբում Հայ Առաքելական եկեղեցու Արցախի թեմի առաջնորդ Պարզև արքեպիսկոպոս Մարտիրոսյանն օրհնեց հայրենի հողի մշակի արտադրած բերքն ու մաղթեց առատություն: Արցախի Հանրապետության նախագահ Բակո Սահակյանը ևս շրջեց տաղավարներով, համտեսեց և ծանոթացավ ներկայացված արտադրանքին՝ ընդգծելով, որ բարի ավանդույթներն անհրաժեշտ է պահպանել ու շարունակաբար զարգացնել:

➤ 6

Ներառական կրթության խնդիրները

Մանկավարժական համալսարանում անցկացված «Բարձրագույն մանկավարժական կրթության բարեփոխումները ներառականության համատեքստում» խորագրով միջազգային աշխատաժողովը պաշտոնապես ազդարարեց ՅՈՒՆԵՍԿՕ-ի հովանու ներքո ՀՊՄՅ-ի Հատուկ կրթության ֆակուլտետի և ԱՄՆ-ի Մինեսոտայի համալսարանի համագործակցության մեկնարկը:



Անդրադառնալով մեր երկրում 2000 թվականից ներառական կրթության բարեփոխումների ընթացքին ու խնդիրներին՝ ՀՊՄՅ ռեկտոր Ռուբեն Միրզախանյանն ասաց. «Մինչև 2025 թվականը անցումը համատարած ներառական կրթությանը, մեզ համար ունի գերկարևոր նշանակություն»: Ամենամեծ խնդիրը համարեց բարոյահոգեբանականը, նաև ընդգծեց, որ հատուկ կրթություն իրականացնող հաստատությունները պետք է դառնան մանկավարժահոգեբանական կենտրոններ:

➤ 2

Շախմատի միջազգային կոնֆերանսում

Հոկտեմբերի 1-2-ը Ծաղկաձորում անցկացվեց «Շախմատային կրթության տեսական և գործնական հիմնահարցերը դպրոցում» խորագրով միջազգային 2-րդ կոնֆերանսը, որը կազմակերպել էին Հայաս-



տանի շախմատի ակադեմիան և ՀՀ կրթության և գիտության նախարարությունը՝ Մանկավարժական համալսարանի, Շախմատի համաշխարհային ֆեդերացիայի (FIDE) և Հայաստանի շախմատային ֆեդերացիայի աջակցությամբ:

Կոնֆերանսին ներկա էին 49 նախարար Լևոն Սկրտչյանը, ՀՊՄՅ-ի ռեկտոր Ռուբեն Միրզախանյանը, Եվրոպայի շախմատի միության նախագահ Ջուրաբ Ազմայարաշվիլին, շախմատի հայաստանյան փորձով հետաքրքրված շուրջ 20 երկրի 50 ներկայացուցիչներ:

Բացման խոսքում ՀՊՄՅ-ի Շախմատի և սպորտի ամբիոնի վարիչ, Հայաստանի շախմատի ֆեդերացիայի նախագահի առաջին տեղակալ, շախմատի ակադեմիայի հիմնադիր նախագահ Սմբատ Լպուտյանն ընդգծեց, որ շախմատի հայկական փորձը հետաքրքրել է ամբողջ աշխարհին և կոն-

➤ 3

ԿՐԹԱԿԱՆ ԾՐԱԳՐԻ ԱՄՓՈՓՈՒՄ ՄԱՆԿԱՎԱՐԺԱԿԱՆՈՒՄ

Սեպտեմբերի 30-ին Մանկավարժական համալսարանում տեղի ունեցավ Տեմպուսի «Մահաթմա» ծրագրի ամփոփիչ համաժողովը, ուր ՀՀ բուհերի շահակիցներին ներկայացվեց «Մահաթմա» դրամաշնորհային ծրագրի իրականացման 4 տարվա կատարած աշխատանքների արդյունքները:

Համաժողովը նպատակ ուներ միաժամանակ ներկայացնել և փոխանակել ծրագրի իրականացման արդյունքում լավագույն փորձը, ինչպես նաև նորաստեղծ «Կրթության միջազգային ասոցիացիա»-ն և նրան անդամագրվելու առավելությունները:

Ներկաներին ողջունեց ՀՊՄՅ ռեկտոր Ռուբեն Միր-



զախանյանը, ով հույս հայտնեց, որ համաժողովում հանգամանորեն կքննարկվեն վերոհիշյալ ընթացքի աշխատանքային հաջողությունները, ինչպես նաև կանդրադառնան խնդիրներին ու հեռահար նպատակներին:

➤ 3

Ներառական կրթության խնդիրները



➤ 1 Ներառական կրթության ոլորտի խնդիրների լուծման գործում ռեկտորը կարևորեց մասնագիտական լուրջ ունակություններ ունեցող կադրերի պատրաստումը: «Մեր երկրում պրոֆեսիոնալ մասնագետներ պատրաստող միակ բուհը Մանկավարժական համալսարանն է, - ընդգծեց ռեկտորը՝ հավելելով, որ ներկա համագործակցությունը ենթադրում է ֆակուլտետի դասախոսներին փոխանցել ներառական կրթության կազմակերպման միջազգային փորձը, իրականացնել կրթական ծրագրերի և ֆակուլտետում դասավանդվող առարկաների բովանդակության վերանայում և բարեփոխումները: Գործընկերության շրջանակներում, միջազգային խորհրդատվության և տեխնիկական աջակցության շնորհիվ կամրապնդվեն համալսարանի կրթական, հետազոտական, ինչպես նաև ներառական կրթության արդյունավետ աջակցելու կարողությունները, Հատուկ կրթության ֆակուլտետին առընթեր կհիմնադրվի ներառական կրթության աջակցող կլինիկա (լաբորատորիա):»

«Տարիներ առաջ սկսվեց ներառականության գործընթացը և երկարատև ու լուրջ ճանապարհ անցնելուց հետո տվեց իր արդյունքները. այսօր ԱՊՀ տարածքում հասարակական մտածողության մակարդակով ամենահանդուրժող մեր երկիրն է: Տարիներ առաջ ծնողները դժվարությամբ էին ընդունում այս գործընթացը, սակայն այսօր այն ոչ միայն խոչընդոտ չէ, այլև արդեն այդ հարցի շուրջ հասարակության մեջ դրական վերաբերմունք է ձևավորվել», - ասաց ՀՀ ԿԳ նախարար Լևոն Մկրտչյանը:

Նախարարը ներառական կրթությունը դիտարկեց ավելի լայն, քան միայն հատուկ կարիքներ ունեցող մարդկանց հասարակության մեջ ներառելն է. «Այն ավելի խորը հասկացություն է: Նախարարությունը փորձում է արմատապես փոխել կառավարման ձևաչափը՝ հատուկ դպրոցներից անցում կատարելով

դեպի բժշկահոգեբանական ծառայություն իրականացնող կենտրոններ», - ընդգծեց Լևոն Մկրտչյանը և հավելեց, որ անհրաժեշտ է կառուցվածքային լուծումների ձևաչափով աստիճանաբար ներառականությունը ներմուծել ոչ միայն հանրակրթական, այլև բարձրագույն կրթական համակարգ:»

«ՀՊՄՀ-ի աշխատանքն կրթական գործում անգնահատելի է: ՀՀ-ում պետք է ապահովել դրական մթնոլորտ այս ծրագրի զարգացման համար. չպետք է շտապել, բայց մաս չուշանալ, փորձենք մեր ուժերի հնարավորության սահմաններում քայլ առ քայլ գնալ խնդիրների կատարմանը», - ասաց Լևոն Մկրտչյանը:

Ազգային ժողովի առողջապահության, մայրության և մանկության հարցերի մշտական հանձնաժողովի նախագահ Արա Բաբոյանը կարևորեց աշխատաժողովը և հպարտությամբ նշեց՝ Հայաստանը խորհրդային երկրներից առաջինն էր, որ անդարադարձվ ներառական կրթության համակարգին:

Խոսելով երեխաների իրավունքների մասին՝ նա վստահեցրեց, որ խախտելով երեխաների իրավունքները, ստեղծում ենք թույլ բազա հասարակության ամուր հիմքերի համար: Նա Մանկավարժական համալսարանի ռեկտորին առաջարկեց մոդել ստեղծելիս՝ աշխատանքներ իրականացնել մանկապարտեզ-դպրոց, ապա մաս բուհ շղթայով:

Վշխատանքի և սոցիալական հարցերի փոխնախարար Ջենմա Բաղդասարյանը ներառական կրթության ոլորտում կարևորեց երկու հիմնախնդիր՝ երեխաների կարիքների ճիշտ գնահատում և համապատասխան կրթություն ստացած մանկավարժական կադրերի ապահովում: Փոխնախարարն իր խոսքում ընդգծեց նաև, որ երեխաների կրթական իրավունքի խնդիրները վերաբերվում են յուրաքանչյուր քաղաքացու, քանի որ ներառական կրթությունը հիմք է, որ դրվում է սոցիալական ներառական հասարակություն ունենալու հիմքում:

«Ներառական կրթությունը կարևոր է մաս մյուս սովորողների համար բարձրորակ կրթություն ապահովելու, ինչպես նաև խաղաղ և արդար հասարակություն ստեղծելու տեսանկյունից: Չնայած ձեռքբերումներին՝ 2015 թվականի տվյալներով, մեծ թիվ են կազմում մաս այն երեխաները, որոնք շարունակում են կրթություն ստանալ մեկուսացած պայմաններում: Հայաստանը դեռևս որոշակի ճանապարհ ունի անցնելու կրթական բոլոր մակարդակներում: Սա առանձնահատուկ կարևոր քննարկում ու աշխատաժողով է, ակնկալում են լավ արդյունքներ», - ասաց ՄԱԿ-ի մանկական հիմնադրամի հայաստանյան գրասենյակի ներկայացուցչի պաշտոնակատար Լիլի Էլին Ինդրեյտենը:

ՄԱՆ փոխդեսպան Ռաֆիկ Մանսուրը դեսպանության անունից իրենց մշտական աջակցությունը հայտնեց ներառական բոլոր այն ծրագրերին, որոնցից կշահեն երկրի խոցելի երեխաները: Փոխդեսպանը շնորհակալություն հայտնեց յուրաքանչյուրին՝ հասարակության մեջ հավասարություն ստեղծելու և ՀՀ ուժ ներառական կրթության զարգացմանը աջակցելու համար:

«Կրթության առանձնահատուկ խնդիրներ ունեցողների կրթության իրավունքը ամրագրված է մի շարք միջազգային փաստաթղթերում, որոնց անդամագրված է մաս Հայաստանը. պետք է դիմել հեղափոխական փոփոխությունների», - նշեց Աժ Գիտության, կրթության, մշակույթի, երիտասարդության և սպորտի հարցերի մշտական հանձնաժողովի նախագահ Արտակ Դավթյանն ու վստահեցրեց, որ երկրի կառավարությունը ձեռնարկում է անցում քայլեր իրականացնելու համար:

Պլենար միստում զեկուցումով հանդես եկավ ՄԱԿ-ի մանկական հիմնադրամի Կենտրոնական, Արևելյան Եվրոպայի և անկարգ պետությունների համագործակցության տարածաշրջանի ներառական կրթության ավագ փորձագետ Պաուլա Հանթը, որը ներկայացրեց «Հաշմանդամություն ունեցող անձանց

իրավունքների մասին կոնվենցիան»:

ՄԱՆ Մինեսոտայի համալսարանի փորձագետ, գիտությունների դոկտոր Քրիս Ջանստոունը ներկայացրեց «Դասակարգումից դեպի ընդունակություն» թեմայով զեկուցում, որում անդրադարձավ, թե ինչ պատկերացում ունի հաշմանդամության մասին աշխարհն այսօր, ինչպես է Առողջապահության համաշխարհային կազմակերպությունը բնութագրում հաշմանդամությունը:

Կարևորելով ներառական կրթության դերը՝ մասնագետը մեջբերեց Լև Վիկոցկու խոսքերը. «Անուշադրության մատնված ու իր բնական զարգացմանը թողնված խուլ ու համր երեխան երբեք չի սովորի խոսել, իսկ կույր մարդը երբեք չի կարողանա գրել: Այս դեպքում օգնության է գալիս կրթությունը՝ ստեղծելով արհեստական, մշակութային եղանակներ, այսինքն մշակութային մշանների ու սիմվոլների մի հատուկ համակարգ, որոնք հարմարեցված են ոչ մորմալ երեխայի հատուկ հոգե-ֆիզիոլոգիական առանձնահատկություններին»:

Աշխատաժողովին քննարկվեցին Մանկավարժական համալսարանի դերը ներառական կրթության բարեփոխումների ոլորտում, հաշմանդամություն ունեցող երեխաների կրթության առանձնահատուկ պայմանների կարիքների գնահատումը, անհատական ուսուցման պլանները, հաշմանդամություն ունեցող երեխաների աջակցման մեխանիզմները, լոգոպեդիայի առկա խնդիրները. տեսությունից դեպի պրակտիկա և այլ հիմնահարցեր:

Հատուկ կրթության ֆակուլտետի դեկան Արմինե Ավագյանն ամփոփելով արդյունքները՝ վստահեցրեց, որ աշխատաժողովն ունեցավ դրական արդյունքներ. կլոր սեղաններն անցան բազմամարդ լսարաններում, բուն քննարկումներով և վերահամվեցին կարևոր հիմնախնդիրներ: Դեկանի կարծիքով՝ առաջիկա կարևորագույն անելիքներից մեկը ուսուցիչների պատրաստման գործընթացում այլ մասնագիտությունների վրա և կենտրոնամալն է, որպեսզի ներառական կրթության գաղափարախոսությամբ շրջանավարտի պատրաստումը չլինի միայն Հատուկ կրթության ֆակուլտետի անելիքը:

«Յուրաքանչյուր առարկայի դասավանդման հիմքում պետք է ընկած լինի ներառականության գաղափարը, որ ավարտելիս արդեն ապագա մանկավարժն իմանա՝ բոլոր երեխաների բոլոր խնդիրները բոլորինս են», - նշեց Արմինե Ավագյանը: Նա հավելեց՝ աշխատաժողովի արդյունքներից սկիզբ առավ մի կարգախոս, որն ամբողջովին նկարագրում է ոլորտի անելիքները. «Եթե ուզում ենք իրականացնել որակյալ ներառական կրթություն, ապա պետք է իմանանք, գործենք և հավատանք»:

Սոնա ԱՐԱՄՅԱՆ

ԾԱՂԿԱԶՈՐՅԱՆ ՀԱՄԱԺՈՂՈՎՈՒՄ

Սեպտեմբերի 30-ից հոկտեմբերի 2-ը Ծաղկածորում կայացավ «Դպրոց-կենտրոնների միություն» իրավաբանական անձանց միության ամենամյա համաժողովը:

Համաժողովին ներկա էին ՀՀ Ազգային ժողովի փոխխոսնակ, ՀՀԿ Կանանց խորհրդի նախագահ Հերմինե Նաղդալյանը, ՀՀ կրթության և գիտության նախարարության հանրակրթության վարչության պետ Նարինե Հովհաննիսյանը, Մայր Աթոռ Սուրբ Էջմիածնի Քրիստոնեական դաստիարակության կենտրոնի տնօրեն Հայր Կարդան Նավասարդյանը, Կրթության

պետական տեսչության պետ Արամ Կարապետյանը, քաղաքապետարանի ներկայացուցիչ Ռուզաննա Սիրունյանը, Աժ պատգամավոր Կարինե Աճեմյանը, «Դպրոց-կենտրոնների միություն» ԻԱՄ-ի ցանցի անդամ հանդիսացող ՀՀ հանրակրթական ուսումնական հաստատությունների տնօրեններ, կրթության ոլորտի պատասխանատուներ:

«Դպրոց-կենտրոնների միություն» իրավաբանական անձանց միությունը արդյունավետ համագործակցության համար Մանկավարժական համալսարանի ռեկտոր Ռուբեն Միրզախանյանին շնորհակալագիր հանձնեց:

Համաժողովի ընթացքում դպրոց-կենտրոնների միության անդամներն ու դպրոց-կենտրոնների տնօրենները վարեցին սեմինարներ, մասնավորապես՝ անդրադարձան լավ դպրոցում օտար լեզվի և արտասահմանյան մշակույթի ներդրմանը, ներառական կրթության կազմակերպմանը, դպրոցավարությանը դժվարություններին, ներդպրոցական վերահսկողությանը, մեթոդիավորումների աշխատանքներին, դպրոցում ՄՄ-ների աշխատանքի առավել արդյունավետ կազմակերպմանը, դպրոցականների առարկայական օլիմպիադաների կազմակերպման նոր ձևաչափին և ինքնակրթությանը՝ որպես մանկավարժի մասնագիտական վարպետության բարձրացման միջոցի:



Ռուբեն Միրզախանյանը՝ Մոսկվայի պետական մանկավարժական համալսարանի պատվավոր պրոֆեսոր, Գիտության և արվեստի պետական ակադեմիայի իսկական անդամ

Խաչատուր Աբովյանի անվան հայկական պետական մանկավարժական համալսարանի ղեկավար, պրոֆեսոր Ռուբեն Միրզախանյանը աշխատանքային այցով մեկնել էր Մոսկվա, որտեղ նասնակցել է Մոսկվայի պետական մանկավարժական համալսարանի Գիտական խորհրդի նիստին:

Մոսկվայի պետական մանկավարժական համալսարանի Գիտական խորհրդի որոշմամբ մեր համալսարանի ղեկավարը արժանացել է պատվավոր պրոֆեսորի կոչման, ապա հանդես եկել զեկուցումով:

ՀՊՄՀ ղեկավար, արվեստի վաստակավոր գործիչ Ռուբեն Միրզախանյանը վերջերս նաև ընտրվել է Սանկտ Պետերբուրգի Գիտության և արվեստի պետական ակադեմիայի իսկական անդամ:

Հավելենք, որ ակադեմիան հիմնադրվել է 1724 թվականին՝ Պետրոս 1-ի հրամանով: Այն վերագրանցվել է Ռուսաստանում 1992 թվականին: Ակադեմիայի անդամներ են գիտության և արվեստի անվանի գործիչներ:

Ձևարկվեցին շախմատի հիմնահարցերը

➤ 1 Ֆերանսի մասնակից երկրները ցանկություն ունեն այն կիրառելի իրենց երկրներում:

Սնբատ Լայուսյանը հույս հայտնեց, որ կոնֆերանսի ընթացքում հոգեբանները, սոցիոլոգներն ու մանկավարժները կներկայացնեն իրենց դիտարկումները և միջազգային կոնֆերանսի 2-րդ անգամ անցկացնելը պայմանավորեց Մանկավարժական համալսարանում Շախմատի կրթական հետազոտությունների լաբորատորիայի ստեղծմամբ. անհրաժեշտություն կա տարածել լաբորատորիայի կատարած աշխատանքների և հետազոտությունների արդյունքները:

Մանկավարժական համալսարանի ղեկավար Ռուբեն Միրզախանյանը կարևորեց բուհի և գործընկերների համատեղ աշխատանքը՝ շախմատային ձեռքբերումները համարելով միասնական աշխատանքի արգասիք: Ռեկտորը ներկայացրեց նաև կրթության ոլորտում շախմատի մասնակցությունը և տարածման ուղղությամբ Մանկավարժական համալսարանի Շախմատի և սպորտի ամբիոնի և Շախմատի կրթական հետազոտությունների լաբորատորիայի աշխատանքներն ու ձեռքբերումները:

Երկօրյա կոնֆերանսի ընթացքում համալսարանի դասախոսներն ու Շախմատի կրթական հետազոտությունների լաբորատորիայի գիտաշխատողներն ի-

րենց զեկուցումներում ներկայացրին կենտրոնի երկամյա գործունեության, հետազոտական աշխատանքների, ուսումնասիրությունների արդյունքները, ամբիոնի կողմից իրականացվող աշխատանքները, ինչպես նաև շախմատի դասավանդման արդյունավետության վերլուծությունները, ներառյալ կրթության համակարգում առարկայի ուսուցման խնդիրները:

Հատկանշական է, որ երկօրյա գիտաժողովի բոլոր քննարկումների ընթացքում Մանկավարժական համալսարանը Շախմատի համաշխարհային ֆեդերացիայի (FIDE) և եվրոպական գործընկերների կողմից դիտվում էր շատ կարևոր գործընկեր:

Արտասահմանյան գործընկերներն իրենց խոսքում ընդգծեցին, որ Մանկավարժական աշխարհի միակ բուհն է, որ առավելագույնս խորացել է շախմատի դասավանդման հիմնախնդիրներում:

«Ցանկացողների համար մեր փորձն իսկական ուղեցույց է», - ասաց Շախմատի կրթական հետազոտությունների լաբորատորիա» հետազոտական ծրագրի ղեկավար Վահան Սարգսյանն ու հավելեց, որ ձեռք բերվեցին հետազոտությունների մասնակցությունը, դրանք հրատարակելու կոնկրետ պայմանավորվածություններ:

Վերլուծեցին կրթության զարգացման միտումները

Մանկավարժական համալսարանի աշխատակազմի և միջազգային համագործակցության հարցերով պրոռեկտոր Արա Երեմյանը Մոսկվայում մասնակցել է ԱՊՀ ուսուցիչների և կրթության ոլորտի աշխատողների 4-րդ համագումարին, որն անցկացվում էր «Նորարարությունները ժամանակակից կրթական միջավայրի որակի ու մատչելիության բարելավման գործին ԱՊՀ անդամ պետություններում» խորագրի ներքո:



Երկօրյա համաժողովի ընթացքում մասնակիցները վերլուծել են ԱՊՀ երկրներում կրթության զարգացման հիմնական միտումները, մշակել ԱՊՀ տարածքում կրթական գործընթացի միասնական նոր մոտեցումներ, ինչպես նաև իրականացրել նորարարական գիտամանկավարժական փորձի փոխանակում:

ԿՐԹԱԿԱՆ ԾՐԱԳՐԻ ԱՄՓՈՓՈՒՄ...

«Ծրագրի մեկնարկը համընդհանուր 1 կամ այն փոփոխություններին, որ իրականացնում էր Մանկավարժական համալսարանը՝ մագիստրատուրայի նոր դասընթացի մշակումը, փոխադարձ աշխատանքային այցելությունները նոր լիցե հաղորդեցին բարեփոխումների մթնոլորտին»,-ընդգծեց ՀՊՄՀ ղեկավարը՝ հատուկ շնորհակալություն հայտնելով գործընկերներին:

«Հայաստանի համար կրթական խնդիրները ամենաառաջնայինն են, հայ ժողովուրդը մշտապես մեծ տեղ է հատկացրել կրթության որակի բարձրացմանը՝ յուրացնելով արևմտյան կրթական համակարգի ձեռքբերումները»,- ասաց

Մանկավարժական համալսարանի այն եզակի բուհերից է, որը համակարգելով տեմպուսյան ծրագիրը, իր հաստատության դեմքերը լայնորեն բացեց ծրագրի առաջ:

«Կրթության կառավարում» մագիստրոսական կրթական ծրագրի ներդրում, Կրթության միջազգային ասոցիացիայի ստեղծում, վերապատրաստումներ, ուսանողների փոխանակում, գրախոսվող միջազգային պարբերականի ստեղծում և այլն. այս և մի շարք ձեռքբերումների թվում Ռուզաննա Մինասյանը հավելեց նաև ծրագրի իրագրելի մոտեցումները՝ աշխատառդովների կազմակերպումից մինչև սեմին-



ՀՀ Ազգային ժողովի փոխստանակ եղևարդ Շարմազանովը: Փաստելով այն, որ կրթության որակի բարձրացումը մեր երկրի համար օրվա հրամայական է, ՀՀ Աժ փոխնախագահը վստահեցրեց՝ որպես օրենսդիրներ մշտապես աջակցելու են ման ծրագրերին, քանզի «21-րդ դարը կրթության, գիտելիքի և կրթված մարդու դար է»:

2012 թվականին մեկնարկած ՏԵՄ-ՊՈՒՄ-ի «Մահաթմա» դրամաշնորհային ծրագրի մեթոդաբանությունն ու ձեռքբերումները ներկայացրեց ծրագրի կառավարման խմբի անդամ Ռուզաննա Մինաս-

յանը ու խմբային հանդիպումներ: «Այսօր մենք ունենք փորձ, ուսանողներ, մշակված ծրագրեր, մոնիթորինգի հաշվետվություն, որոնք թույլ են տալիս շտկել թերություններն ու բացերը»,-ամփոփեց զեկուցողը:

Ծրագրի աշխարհագրությունն ընդգրկում էր. այստեղ էին գործընկերներն ու մասնակիցներ Մեծ Բրիտանիայից, Իտալիայից, Ֆրանսիայից, Չեխիայից, Կրաստանից:

Համաժողովում լսեցին ու քննարկեցին տարբեր զեկուցումներ: Ձեկուցողներն անդրադարձան ծրագրի կարևո-



յանը, իսկ ներկաների համատեղ աշխատանքի համար իր երախտագիտությունը հայտնեց Լուիզա Արդիգոնեն/Իտալիա/, ով վստահեցրեց, որ շատ հաճելի էր աշխատել հայ-վրացական կրթական բարեփոխումների համագործակցային դաշտում:

Ռ. Մինասյանը հանգամանորեն խոսեց բուհերի համար յուրահատուկ այս ծրագրի և իրենց առջև դրված խնդիրների մասին, որից առաջնայինը մագիստրոսական ծրագրերի մշակումն էր:

Ծրագրին մասնակցել են ՀՀ 4 բուհեր, 18 գործընկերների աջակցությամբ: Հատկապես մեծ աջակցություն են ցուցաբերել եվրոպական գործընկերները, Հայաստանի կրթության և գիտության նախարարությունը:

րությանը, կրթական ծրագրերի մշակմանը, կրթության կառավարման մեջ ուսանողների ներգրավմանը և այլ հարցերի:

ՀՊՄՀ-ից ելույթ ունեցան Տիգրան Ավագյանը («Մահաթմա» ծրագրի համակարգող), Ռիտա Գևորգյանը, Վահան Սարգսյանը:

Ներկայացնելով Մասնագիտության կրթական ծրագրերի մշակման հայաստանյան փորձը՝ ՀՊՄՀ-ի կրթության կառավարում ամբիոնի վարիչ Ռիտա Գևորգյանը վստահեցրեց՝ ծրագիրը համահունչ է բուհում իրականացվող ռազմավարությանը և միտված է դիմակայելու կրթության ոլորտի մարտահրավերներին:

Սիլվա ԱՄՐՅԱՆ



Հանդիպում ռեկտորի հետ

Մանկավարժական համալսարանի ռեկտոր Ռուբեն Միրզախանյանը ընդունեց Մինեսոտայի համալսարանի պատվիրակությանը: Ռեկտորը հյուրերին ներկայացրեց Հայաստանի հարուստ մշակույթը և պատմությունը՝ հույս հայտնելով, որ նրանք ցանկություն կունենան ևս մեկ անգամ գալ Հայաստան:

Ռեկտորը ցանկություն հայտնեց, որ երկուողմանի համագործակցությունը շարունակվի ոչ միայն հատուկ կրթության ոլորտում, այլև այլ բնագավառներում:

«Մանկավարժական համալսարանը համագործակցում է աշխարհի առաջատար մի շարք բուհերի, մասնավորապես ԱՄՆ-ի Կոնեկտիկուտի համալսարանի հետ, որի կրթական համակարգը համարվում է լավագույնն աշխարհում: Այդ առումով մենք շատ բան ունենք սովորելու նրանցից և յուրաքանչյուր համագործակցությունից»,- ասաց նա:

Պատվիրակության անդամները ևս կարևորեցին Մանկավարժական համալսարանի հետ համագործակցությունը և ընդգծեցին, որ այն համագործակցելու լավագույն հարթակն է տվյալ ոլորտում: «Մենք այստեղ հրավիրված ենք որպես փորձա-

գետներ, սակայն տեսանք, որ հայ մասնագետները նույնքան փորձառու են այս հարցում: Հուսով եմ համագործակցությունը մոտ ապագայում կտա իր պտուղները»,- ասաց Մինեսոտայի համալսարանի պրոֆեսոր Ռեմատա Տիչան:

Հատուկ կրթության ֆակուլտետի դեկան Արմինե Ավագյանն անդրադարձավ հատուկ մասնագետներ պատրաստելու բուհի մեծաշնորհին՝ նկատելով, որ այն շատ պարտավորեցնող է:

Դեկանը կարևորեց ծրագրի շրջանակում ՅՈՒՆԵՍԿՕ-ի դերը և ընդգծեց, որ ՅՈՒՆԵՍԿՕ-ն մինչև վերջ կանգնում է ծրագրի կողքին, քանզի նպատակը մեկն է՝ բոլոր երեխաների համար ապահովել լիարժեք կրթություն:

ՄԱԿ-ի մանկական հիմնադրամի հայաստանյան գրասենյակի կրթական ծրագրերի դեկավար Ալվարո Պոլոսյանը վստահ է, հաջողությունների հիմքն ապահովված է: «Մենք բաց ենք համագործակցության համար, սակայն հաջողությունն առավել է լինում, երբ դիմացինը մեկ քայլ ավելի առաջ է տեսնում, ինչպես դուք»: **Սոնա ԱՐԱՍՅԱՆ**

Կոնսոցիատիվ ժողովրդավարությունը որպես անվտանգության հայեցակարգ

Հայաստանի քաղաքական վիճակը ճգնաժամային է և անհրաժեշտ է շտապ ելքեր և առաջացած խնդիրների համար լուծումներ գտնել, որոնք մեր երկիրը կտանեն բարգավաճման ու հզորացման ճանապարհով: Այս առումով քաղաքագետներին մեծ դեր է վերապահված. նրանք պետք է կարողանան ստեղծված իրավիճակը քաղաքագիտության տեսանկյունից օբյեկտիվորեն ներկայացնել հասարակությանը, քաղաքագիտական խնդիրներից դեպի իրական ու իրատեսական լուծումներ տանող ուղիներ ներկայացնել, ստեղծել հասարակական կարծիք: Ցավոք, երբեմն քաղաքագետները իրական քաղաքական վիճակը բխեցնում են այս կամ այն կուսակցության շահերից՝ ստվերում թողնելով հասարակության շահը...

ՀՊՄՀ քաղաքագետները գտնում են, որ ճգնաժամը կհարթվի միայն քաղաքական հարցի լուծումից հետո, հարց, որ պետական և ազգային լուծումներ է պահանջում: Ժողովրդավարության ներկայիս գործող մոդելը չի կարող հայ ժողովրդին խոստումնալից ապագա ապահովել, ահա ինչու աշխատանքային երկար մտորումների ու փնտրտուքների արդյունքում հանգեցին երկրի համար կոնսոցիատիվ ժողովրդավարական մոր մոդելի ստեղծման գաղափարին: Հենց այս մոր մոդելի պարզաբանման ու քաղաքական ժամանակակից խնդիրներին էր նվիրված Մանկավարժական համալսարանում քաղաքագիտական լսումների հերթական թեման՝ «Կոնսոցիատիվ ժողովրդավարությունը որպես անվտանգության հայեցակարգ կամ դոկտրինա տարածաշրջանի և մեր երկրի համար» վերնագրով, իսկ զեկուցողը քաղաքական գիտությունների թեկնածու, դոցենտ Հայկ Սուքիասյանն էր:

Զեկուցողը դասիլիծուն ներկա դասախոսների և ուսանողների համար փորձեց գաղտնագրել մոր հայեցակարգի առանձնահատկություններն **➤ 5**

Խ. Աբովյանի անվան հայկական պետական մանկավարժական համալսարանի, ՀՀ գիտության պետական կոմիտեի և Կրթության ազգային ինստիտուտի համատեղ նախաձեռնությամբ Մանկավարժական համալսարանում անցկացվեց «Մաթեմատիկական կրթություն», երկօրյա 4-րդ գիտաժողովը:

Գիտաժողովը բացեց ՀՊՄՀ ռեկտոր Ռուբեն Միրզախանյանը: «Թեև յուրաքանչյուր մասնագետ կարծում է, թե իր ոլորտն է ամենակարևորը, բայց իմ խորին համոզմամբ, կա մի պարզ ճշմարտություն. գիտության և կրթության երկու կարևոր ուղղություններն են հայոց լեզուն, գրականությունը և մաթեմատիկան, որոնք դաստիարակում, ձևավորում են անձին», - ասաց ռեկտոր Ռ. Միրզախանյանը:



հակասականությունը:

Եթե ԱՄՆ-ն աշակերտի վրա ծախսում է 10 հազար, ՀՀ-ն՝ 250 դոլար, ապա պարզ է դառնում, թե ո՞ր երկիրը ինչ ներդրում է անում՝ ապագայի կադրեր պատրաստելու համար:

Զեկուցողը ցավով նկատեց, որ չկա երկրից դուրս եկող աշակերտների և ուսանողների արտահոսքի մասին ամփոփ վիճակագրություն: Մինչդեռ «Կրթությունը կազմակերպում է պետությունը իր հզորության և ապագայի համար»: Հենց նա էլ պետք է համակարգի այս ամենը և կրթական խնդիրներին գտնի ճիշտ լուծումներ:

Անդրադառնալով մաթեմատիկական կրթության ոլորտի խնդիրներին՝ նա կրկին փաստեց, որ խնդրի լուծման ճանապարհը ոչ թե գիտելիքափոխ կամ մաթեմատիկական կրթությունն է, աշակերտին մաթեմատիկա սովորեցնելը, այլ մաթեմատիկայի միջոցով արժեհամակարգ ձևավորելը՝ անցյալը-ներկան, նյութականը-հոգևորը, բարին-զեղեցիկը-ճշմարիտը, ազգայինը-համամարդկայինը:

Ամփոփելով՝ Հ. Միրզայեսյանը հստակեցրեց վերջը ասվածը՝ այս ամենը պետք է դնել մաթեմատիկայի դասավանդման հիմքում: Ասել է թե՛ մաթեմատիկական կրթության հիմնական խնդիրը պետք է լինի մաթեմատիկայի միջոցով բարոյական արժեքների ձևավորումը:

«Մաթեմատիկական դպրոցի աշակերտների հարմարեցված կրթությունը՝ նրանց օժտվածության հաշվառմամբ» զեկուցմամբ մանկավարժական գիտությունների դոկտոր, պրոֆեսոր Մ. Ռոզինովն ու մանկավարժական գիտությունների թեկնածու, դոցենտ Տ. Զերնեցկայան ներկայացրին տարբեր դպրոցներում թեմայի վերաբերյալ կատարած հետազոտությունները:

Փիլիսոփայական գիտությունների դոկտոր, պրոֆեսոր Վոլոչինովը հանդես եկավ «Մաթեմատիկան և էսթետիկան. Պյութագորասից մինչև Մանդելբրոտը» թեմայով զեկուցմամբ:

Երկօրյա գիտաժողովը տարբեր քննարկումների ձևաչափով փորձեց գտնել մաթեմատիկական կարևորագույն խնդիրների լուծման ուղիները:

«ԽՆդրի լուծման ճանապարհը ոչ թե աշակերտին մաթեմատիկական գիտելիքներ տալն է, այլ մաթեմատիկայի միջոցով արժեհամակարգ ձևավորելը», - ասում է պրոֆեսոր Էամիլեյ ՄԻՋԱՅԵԼՅԱՆԸ

Ռեկտորը ողջունեց ներկաներին՝ կարևորելով մասնագետների փորձի, մոտեցումների ու կարծիքների փոխանակման նման ձևը և մաղթեց արդյունավետ քննարկումներ:

Ելույթ ունեցավ ՀՀ ԳԱԱ անդամ Վահիկ Զաքարյանը: Նա խոսեց Մանկավարժական համալսարանում վերջին տարիներին իրականացվող լուրջ փոփոխությունների ու առաջընթացի մասին՝ փաստելով բուհի՝ գիտական հաստատությանը հավատարիմ լինելու հանգամանքը, ապա անդրադարձավ գիտաժողովի ծրագրում տեղ գտած հետաքրքիր և ուշագրավ զեկուցումներին, չնոռանալով ընդգծել մաթեմատիկայի և զեղեցիկի կապը:

Ներկաների համար «Մաթեմատիկայի էությունը և մաթեմատիկական կրթության առանձնահատկությունները» գաղտնագրեցեց ՀՀ ԿԳ փոխնախարար, մանկավարժական գիտությունների դոկտոր Մանուկ Մկրտչյանը:

Բանախոսը թվարկեց ոլորտի մի քանի գլոբալ հիմնախնդիրներ, որոնք կարող են ուսումնասիրությունների

առիթ դառնալ հատկապես ուսանողների համար, բարձրաձայնելով, թե՛ «մենք բոլորս մտագործունեության դաշտի տեսանկյունից մնացել ենք սովետական ժամանակաշրջանում»:

Հայաստանը 80-ական թվականներից հետո սկսեց գրեթե զրոյից, սակայն շուտով աշխարհում հայտնի դարձավ որպես բնագիտամաթեմատիկական ուղղությունների առաջատար:

Մ. Մկրտչյանի կարծիքով՝ ժամանակները փոխվել են և այսօր՝ արդեն 21-րդ դարում, մեր ազգը կրկին հնարավորություն ունի հանդգնել բնագիտամաթեմատիկական տիրույթում և հատկապես մանկավարժական ասպարեզում:

Ֆիզիկական աշխարհից գատ զոյություն ունի մեկ այլ՝ բոլորովին այլ աշխարհ՝ մաթեմատիկայի իրականությունը: Մաթեմատիկան հնարավորություն է տալիս թափանցել մարդկության փորձի ու փորձառության սահմաններից դուրս գտնվող տիրույթ... հանրահոշակ մտածողներից մեջբերումներ անելով՝ Մ. Մկրտչյանը ընդգծեց ևս մեկ հանգամանք, որ մաթեմատիկական մտածո-

ղությունն այսօր արդեն տեղափոխվել է սոցիալական աշխարհ:

Ամփոփելով ասելիքը՝ Մ. Մկրտչյանը ասաց. «Եթե մենք մաթեմատիկական դարձնենք հանրակրթական առարկա՝ կարևորը պետք է լինի ոչ թե մաթեմատիկական գիտելիքներ հաղորդելը, այլ մաթեմատիկական մտածելակերպն ու մաթեմատիկական կրթության բովանդակային կառուցվածքը: Դպրոցն իր առաջ պետք է հիմնական խնդիր դնի, այն է՝ մաթեմատիկական մտածելակերպի ձևավորում»:

Մաթեմատիկական գիտությունների դոկտոր, պրոֆեսոր, ՀՊՄՀ մաթեմատիկայի և նրա դասավանդման մեթոդիկայի ամբիոնի վարիչ Համետ Միրզայեսյանը հանդես եկավ «Որոշ նկատառումներ սովորողների արժեհամակարգի ձևավորման վերաբերյալ» զեկուցմամբ:

Պրոֆեսորը, իբրև նախաբան, համեմատեց արտասահմանյան թիմում խաղացող հայ ֆուտբոլիստի և հայ ֆիզիկոսի, մաթեմատիկոսի աշխատավարձերը՝ փաստելով ֆիզիկական և մտավոր աշխատանքի նյութական գնահատման

Կոնսոցիատիվ ժողովրդավարությունը...

➤ 4 ու երկուսը՝ հանդես գալով Հայաստանի համար շահեկան դիրք ապահովող մի շարք սկզբունքային առաջարկություններով:

ՀՊՄՀ քաղաքագետները կարծում են, որ քաղաքագիտական խմբի կողմից մշակված կոնսոցիատիվ ժողովրդավարության մոդելը

միջոցով կապահովվի Այսրկովկասի անվտանգությունը և կառաջարկվի ժողովրդավարության զարգացում ոչ միայն տարածաշրջանի բազմակազմ հասարակություններում, այլև մեր երկրում՝ ենթադրելով հասարակության գերիշխանություն: Մոդելի կիրառումը պետք է սկսել հայաստանյան կուսակցություններից, արդյունքում կգտվեն գաղափարախոսություն չունեցող կուսակցությունները, իսկ գաղափարական հենքի վրա գործող կուսակցությունների դերը կբարձրանա:

Քաղաքական գիտությունների դոկտոր, Քաղաքագիտության և իրավունքի պատմության ամբիոնի վարիչ, պրոֆեսոր Լևոն Շիրինյանը համոզված է, որ այս մոդելը մեր երկրին կտանի դեպի բարգավաճում ու հզորացում: «Մենք պարտավոր ենք ազգովի հաղթահարել լացկանության վիճակը և ունենալ հպարտ ու զարգացած հայրենիք: Այս մոդելը ներկայացնելու ենք համայն հայությանը, որովհետև այն ներդաշնակության մոդել է?»: Ըստ քաղաքագետի՝ հարկավոր է հաղթահարել հոգեբանական ճգնաժամը, թողնել պաշտպանողական մարտավարությունը և մի քիչ ազդեցիկ պահվածք դրսևորել:

Հայկ Սուքիասյանն էլ վստահ է, որ ցանկացած գիտություն, բացի գիտական հետազոտություններից, պետք է որոշակի լուծումներ առաջարկի երկրի անվտանգությանը: Այս մոդելը նա համարում է ներդաշնակության մոդել, ուր սոցիալական ամեն շերտ, ամեն ստրատա կունենա իր դերը՝ բացառելով բեռնացումը:

Պետք է լինել Հայաստանակենտրոն ասում է Լևոն Շիրինյանը և այս հանդիպումը համարում մոդելի արմատավորման մեկնարկը:

Սիլվա ԱՐԱՅԱՆ

Լսեցին օրարերկրյա դասախոսներին

ՅՈՒՆԻՍԵՖԻ հայաստանյան գրասենյակի ծրագրի շրջանակներում երկշաբաթյա այցով Հայաստանում էր Մինեսոտայի համալսարանի պատվիրակությունը: ՀՊՄՀ Հատուկ կրթության ֆակուլտետի նախաձեռնությամբ ամերիկյան համալսարանի 3 պրոֆեսորներ՝ Բրայան Աբերին, Ռենատա Տիչան և Սյուզան Օքոնները հյուրընկալվեցին Մանկավարժական համալսարանում: Նրանք հանդիպեցին թիմի անդամների, ֆակուլտետի՝ ծրագրում ներառ-



ված դասախոսների և ՀՊՄՀ պրոռեկտորների հետ՝ քննարկելով առաջիկա համագործակցության անելիքները:

Երկու տարի տևողությամբ ծրագիրը նախատեսում է փոխադարձ այցելություններ Մինեսոտայի և Մանկավարժական համալսարաններ, հանդիպումներ մասնագետների հետ, փորձի փոխանակում:

Հյուրերը հանդես եկան մի շարք դասախոսություններով, որոնք վերաբերում էին ֆակուլտետում դասավանդվող մասնագիտություններին և նեղ մասնագիտացումներին՝ հատուկ մանկավարժությանը, հատուկ հոգեբանությանը: Հոկտեմբերի 10-ին գիտական խորհրդի նիստերի դահլիճում ուսանողները լսեցին ամերիկյան ներառական կրթության համակարգին նվիրված դասախոսություն, ըստ որի կարողացան նկատել երկու երկրների ներառական կրթական համակարգերի ընդհանրություններն ու առանձնահատկությունները:



Շամագործակցությունը շարունակվում է

Մանկավարժական համալսարան էր այցելել Հունգարիայի Պիտեր Պազմանի անվան կաթոլիկ համալսարանի պատվիրակությունը, որի կազմում էին համալսարանի հունամիտար գիտությունների ֆակուլտետի դեկան Գեորգի Ֆյոդորը, պատմության ինստիտուտի տնօրեն Սանդոր Օզենին, Գերմանիայի Լայպցիգի համալսարանի գիտաշխատող, դոկտոր Բալինտ Կովաչը, ինչպես նաև հնագիտության դասախոս Վազներ Զոլտը:

ՀՊՄՀ ռեկտոր Ռուբեն Միրզախանյանը հյուրերի հետ աշխատանքային հանդիպման ընթացքում իր գոհունակությունը հայտնեց Եվրոպայի ամենահին կրթօջախներից մեկի՝ մեր բուհի հետ համագործակցության, ռեկտոր, պրոֆեսոր Սուրոմի Սաբուլչի Մանկավարժական համալսարանում ունեցած բացառիկ դասախոսության վերաբերյալ:

Ռեկտորը ներկայացրեց բուհի գործունեությունն ու ուղղությունները՝ նշելով, որ այն ՀՀ-ի երկրորդ խոշոր ուսումնական հաստատությունն է և պատրաստում է բազմապրոֆիլ մասնագետներ, որոնցից մի քանիսի մենաշնորհը Մանկավարժական համալսարանին է: Ռուբեն Միրզախանյանը վստահեցրեց, որ երկու բուհերի համագործակցության սկիզբը ստացված է, և մի շարք ծրագրեր միմյանց հետ աշխատելու լուրջ հեռանկարներ են ստեղծում:

Հունամիտար գիտությունների ֆակուլտետի դեկան Գեորգի Ֆյոդորը մասնագիտությամբ արևելագետ է, ուստի հետաքրքրված է հայերե-

ման համալսարանում ունեցած բացառիկ դասախոսության վերաբերյալ:

Ռեկտորը ներկայացրեց բուհի գործունեությունն ու ուղղությունները՝ նշելով, որ այն ՀՀ-ի երկրորդ խոշոր ուսումնական հաստատությունն է և պատրաստում է բազմապրոֆիլ մասնագետներ, որոնցից մի քանիսի մենաշնորհը Մանկավարժական համալսարանին է: Ռուբեն Միրզախանյանը վստահեցրեց, որ երկու բուհերի համագործակցության սկիզբը ստացված է, և մի շարք ծրագրեր միմյանց հետ աշխատելու լուրջ հեռանկարներ են ստեղծում:

Հունամիտար գիտությունների ֆակուլտետի դեկան Գեորգի Ֆյոդորը մասնագիտությամբ արևելագետ է, ուստի հետաքրքրված է հայերե-

մով, հայոց պատմությամբ ու գրականությամբ: Նա կարևորեց երկու համալսարանների համագործակցությունը և հավելեց՝ համագործակցությունն առավել ամրապնդելու և խթանելու համար ակնկալում են նաև Մանկավարժական համալսարանի պատվիրակության այցը Պիտեր Պազմանի անվան կաթոլիկ համալսարան:

Կողմերը զրույցի ընթացքում կարծիքներ փոխանակեցին ամառային դպրոցների ընթացքի մասին, քննարկեցին հայագիտական ամբիոնների և հետազոտությունների զարգացման նախադրյալներին վերաբերող հարցեր, խոսեցին կրեդիտային շարժումության եվրոպական ծրագրի շրջանակում բուհերի հետագա համագործակցության մասին:

Սոնա ԱՐԱՄՅԱՆ

Շամագործակցության սերտ կամուրջ է անհրաժեշտ

Մանկավարժական համալսարանի և ՅՈՒՆԻՍԵՖ-ի (UNICEF) նախաձեռնությամբ Հատուկ կրթության ֆակուլտետում դասախոսությամբ հանդես եկավ ԱՄՆ-ի Ֆրեզնոյի շրջանային հասարակական կազմակերպության ծրագրերի և գնահատման բաժնի տնօրեն Լիլիթ Ասադուրյանը: Առաջին ամգամ հայաստանյան բուհերից հենց Մանկավարժական համալսարանում դասախոսությամբ հանդես գալը բանախոսը խորհրդանշական համարեց՝ ընդգծելով, որ ծնողները այս բուհի շրջանավարտ են:

«Ձարգացման խանգարումներ ունեցող երեխաների զարգացման հետազոտումն ու մշտադիտարկումը» թեմայով զեկուցման մեջ բանախոսն անդրադարձավ երեխաների զարգացման, գնահատման կարևորությանը՝ նշելով, որ այն կօգնի ճիշտ ձևակերպել և անհատականացնել մոտեցումը, ճանաչումը, ուսուցումը երեխաների և ընտանիքների հետ: Այն հնարավորություն կտա հասկանալ երեխայի ընդունակությունները, հմտություններն ու կարողություններն ըստ իր տարիքային փուլի. «Երբ խոսում ենք փոքրիկ երեխաների զարգաց-

ման մասին, անհրաժեշտ է հաշվի առնել երեխային գնահատման չափանիշի օգտագործումը. այն հնարավորություն է տալիս նաև ծնողին՝ ճանաչելու իր երեխային: Ձարգացման մասին անհնար է խոսել առանց ծնողի անմիջական մասնակցության, այդ իսկ պատճառով համագործակցության սերտ կամուրջ է անհրաժեշտ»:

Դասախոսությունը մեծ հետաքրքրություն առաջացրեց ներկաների շրջանում, ծավալվեց հարց ու պատասխան:

Հատուկ կրթության ֆակուլտետի դեկան Արմինե Ավագյանը նման դասախոսությունները շատ է կարևորում. «Նախ և առաջ այն հնարավորություն է տալիս ծանոթանալ դոսի փորձին, ձեռք բերել մոր գիտելիքներ: Սա նաև լավագույն առիթ է մեր շրջանավարտների համար շարունակական կապ պահել համալսարանի հետ՝ մասնակցելով նման դասախոսությունների»: Ըստ դեկանի՝ այսպիսի հանդիպումները լավ հարթակ են քննարկելու ուղրտի խնդիրները:

Այս և հոկտեմբերի 4-14-ը նախատեսված դասախոսությունների շարքը նվիրված է ֆակուլտետի ստեղծման 5-ամյակին:



Դասախոսությանը ներկա էին Հատուկ կրթության ֆակուլտետի պրոֆեսորադասախոսական կազմը, ուսանողներ, շրջանավարտներ, ուղրտի մասնագետներ, ինչպես նաև Կալիֆորնիայի համալսարանի Առողջապահական և մարդկային ռեսուրսների սպասարկման հարցով դեկանի խորհրդի խորհրդակցական, Ռենեսանս կրթաթոշակի ծրագրի խորհրդատվական մարմնի անդամ Մարիոն Կարիանը:

Սոնա ԱՐԱՄՅԱՆ



ԵՌՕՐՅԱ ԱՅՑ ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅՈՒՆ



➤ 1 Միջոցառմանը մասնակցող Մանկավարժական համալսարանի պատվիրակության կազմում էին պրոռեկտոր Արմեն Թամազյանը, գրադարանի տնօրեն Տիգրան Պետրոսյանը, Մասնագիտական կրթության և կիրառական մանկավարժության ամբիոնի ղեկավար, ռազմական հոգեբան Հակոբ Թադևոսյանը, ինչպես նաև ուսանողներ՝ ուսանողական խորհրդի նախագահ Ներսիկ Մարգարյանի գլխավորությամբ:

Մեր համալսարանի Կուլտուրայի ֆակուլտետի պարավեստի մանկավարժության և երաժշտության բաժինների ուսանողներն ազգագրական պարերի շարանով, ազգային երգ ու պարով բարձրացրին ներկաների տրամադրությունը: Պատրվեստի մանկավարժության ամբիոնի ղեկավար Գոհար Աբրահամյանի կարծիքով՝ մեզ միջոցառումները ոչ միայն բարձրացնում են ներկաների տրամադրությունը, այլև հայրենասիրություն ու մարտական ոգի են հաղորդում. այն, ինչն այսօր անհրաժեշտ է մեր ժողովրդին:

Մանկավարժական համալսարանի պատվիրակությունը բերքի տոնի բարձր տրամադրությունն իր հետ տարավ Սեխակավանի (Ձաբրախի) գործառն, որտեղ զինվորները կազմ ու պատրաստ սպասում էին:

Պատվիրակությանը դիմավորեցին մեծ հանդիսավորությամբ՝ զինվորական նվագախմբի կատարումներով: Զինծառայողները շարահրապարակում էին, իսկ հրամանատարությունը՝ ամբիոնում:

Մանկավարժական համալսարանը դեռևս 1996 թվականից սերտորեն համագործակցում է ՀՀ ՊՆ-ի և ԼՂՀ ՊԲ-ի հետ. հագործակցությունը տարեցտարի առավել ընդգրկու ու բովանդակային է դառնում:

Մանկավարժական համալսարանի ուսանողները հայրենասիրական երգ ու պարով իրենց երախտագիտությունը հայտնեցին զինվորներին՝ ևս մեկ անգամ ընդգծելով, որ հասարակությունը միշտ զինվորի կողքին է:

Մոնթե, Հերոս... Զինակից ընկերներն այսպես են դիմում քառօրյա պատերազմի մասնակից Արման Կիրակոսյանին: Թշնամու դեմ անհավասար մարտում 14 հոգուց միայն ինքն է ողջ մնացել ու մարտից դուրս եկել հաղթանակով. «Այս հաղթանակն ինձ համար լիարժեք չէ. այնտեղ ես կորցրի իմ 13 ընկերներին: Միակ բանը, որ այդ պահին մտածում էի, հաղթելու ցանկությունն էր: Ցավոք, խրամատում միայն ես մնացի...», - սառնասրտորեն պատմեց Արմանը, որը 3 հրազենային վնասվածք է ստացել, իսկ փամփուշտներից մեկն անմիջապես սրտին էր դիպել. մահից փրկել էր ծոցագրպանում գտնվող զինվորական զրքուկը:

«Հայ զինվորն ամեն ինչի պատրաստ է, ոչնչից չի վախենում: Մեր ընկերների արյունն այնտեղ է թափվել, և մեր սահամանները պետք է սրբորեն պահենք», - ասաց Արմանը և վստահեցրեց՝ զինվորական ծառայությունն ավարտելուց հետո, անհրաժեշտության դեպքում, մինևույն է՝ կռվելու է:

Շարքային զինծառայող էղգար Ավետիսյանը Մանկավարժական համալսարանի պարավեստի բաժնի ուսանող է. մեկ տարուց ավել է, որ պարտադիր զինվորական ծառայություն է անցնում: Խոսելով ծառայության

մասին, էղգարն ընդգծում է՝ այն անցնում է շատ հետաքրքիր ու բավանդակալից, բարդություններ լինում են, սակայն ամեն բան հաղթահարելի է: «Վստահ եմ, որ ծառայության տարիներն իրենց կնիքը կթողնեն մեր հետագա կյանքի վրա, իսկ մեզնից միջոցառումները զինվորի համար մեծ ուրախություն են: Դրանք օգնում են քաղաքացիական կյանքի կարոտն առնել», - ասաց էղգարը: Նա հպարտորեն բոլորին վստահեցնում է՝ ոչնչից չվախենալ ու չամհիանգստանալ, քանզի թիկունքն ապահով է, սահմանին հայ զինվորն է կանգնած: «Բոլորիդ շատ սիրում ենք ու մինչև վերջ պատրաստ ենք պայքարել ձեզ համար: Կռիվ կտանք մինչև վերջին կաթիլ արյունը, բոլորս էլ ունենք մեր մեջ ու կանքը. հայ զինվորը ոչնչից չի



վախենում», - ասաց էղգար Ավետիսյանը: «Վերջին լարված իրադարձություններին դուք ևս մասնակից եղաք հայոց սահմանների պաշտպանությանը: Մենք հանգիստ գլուխներս դնում ենք բարձր, որովհետև դուք այստեղ եք, դուք սահմանին եք, դուք եք պաշտպանում մեր ազգի գոյությունն ու պետականությունը», - զինվորներին այսպես ողջունեց ՀՀ ՊՄԻ-ի Գիտական գրադարանի տնօրեն Տիգրան Պետրոսյանը և հորդորեց՝ իրենց մեջ կրելով հայրենիքն ու հայրենասիրությունը, մշտապես հիշել դեռևս օտարության մեջ գտնվող մեր տարածքների մասին:

ՀՀ ՊՄԻ-ի պրոռեկտոր Արմեն Թամազյանն էլ բարի ծառայություն մաղթեց բոլոր զինվորներին: Պատվիրակության այցի առաքելությունը պրոռեկտորը համարեց զինվորների հետ շփումը, նրանց մարտական ոգու բարձրացումն ու լավ տրամադրություն հաղորդելը:

ՀՀ ՊՄԻ Մասնագիտական կրթության և կիրառական մանկավարժության ամբիոնի ղեկավար, ռազմական հոգեբան Հակոբ Թադևոսյանի կարծիքով բանակ-հասարակություն կապը մշտապես պետք է ամրապնդել և էլ ավելի զարգացնել համագործակցության ուղղությունները. «Համալսարանի և պաշտպանության բանակի ստորաբաժանումների միջև այցելությունների կարևորությունը կարող ենք պայմանավորել ռազմահայրենասիրական դաստիարակությամբ: Փոխազակցության մթնոլորտի ձևավորման արդյունքում ուսանողները հասկանում են, որ զինվորը սահմանում պաշտպանում է մեր հայրենիքը, սակայն կարևոր է նաև իրենց դերակատարումն այդ գործընթացում: Երկրի համար լավ մասնագետ դառնալով՝ նրանք ևս այդ գործընթացի մասն են կազմում: Զինծառայողները, որպես սոցիալական խմբի ներկայացուցիչներ, ովքեր իրականացնում են հայրենիքի անմիջական պաշտպանությունը, այս ծեռնարկների միջոցով զգում են իրենց գործի կարևորությունը և որ գտնվում են հանրության ուշադրության կենտրոնում: Նրանց ծառայությունը, կրած զոհարությունները գնահատվում են բարձր և դառնում բացարձակ արժեքներ մեր երկրի և պետության անվտանգության պահպանման գործում»: Նա հավելեց նաև, ապագա զինվորների համար սա լավագույն հնարավորություն է մոտիկից ծանոթանալու զինվորական առօրյային, զինվորական ծառայության, կրթման առանձնահատկություններին, կարգացուցակին, կենցաղային պայմաններին, որպեսզի նրանք հետագայում հոգեբանորեն պատրաստվեն զինվորական ծառայությանը:

Զորամասի հրամանատարի անձնակազմի հետ տարվող աշխատանքների գծով տեղակալ Ֆելիքս Ենգիբարյանը նկատում է՝ վերջին իրադարձություններից հետո առավել հաճախակի են դարձել մեզնից միջազատումները գործառնում, իսկ բանակ-հասարակություն կապն էլ ավելի է ամրապնդվել. «Նման ծեռնարկների շնորհիվ զինվորները լիցքաթափվում են, կտրվում զինվորական առօրյայից, ոգեշնչվում հայրենասիրական երգից ու պարից, իրենց հարազատների կարոտն են առնում, որն էլ նպաստում է ծանրաբեռնված ծառայությունն առավել

հեշտ անցկացնելուն»: Շնորհակալություն հայտնելով բոլոր կազմակերպիչներին և մասնակիցներին՝ նա հույս հայտնեց, որ մեզնից այցերը կլինել առավել հաճախակի:

Բուհի ուսանողական խորհրդի նախագահ Ներսիկ Մարգարյանը նկատում է՝ բանակի դռները միշտ բաց են ուսանողների համար. մեզնից այցերը պարբերական բնույթ են կրում, որոնց միջոցով ուսանողական կառույցը փորձում է բարձրացել ուսանողների հայրենասիրությունն ու մարտական ոգին:

Պատվիրակության անդամներին հնարավորություն ընձեռնեց նաև ճաշել զինվորների հետ զինվորական ճաշարանում: Զորամասի ավագ խոհարար Նուրե Առաքելյանը 16 տարի է իրականացնում է մարտական ծառայություն, որից 9 տարին՝ որպես զորամասի խոհարար. «Զինվորի համար կարևոր է նաև սնունդը, ➤ 7



ԵՌՕՐՅԱ ԱՅՅ...

6 փորձում են իրենց մայրերի նման համեղ պատրաստել: Ամեն օր միասնական աղոթում ենք մեր բոլոր զինվորների համար, որ անփորձանք ծառայեն և վերադառնան իրենց ընտանիքները»:

Համալսարանականները շրջեցին նաև զորամասում, ծանոթացան զինվորների առօրյային, խնդիրներին, գրուցեցին նրանց հետ, տեսան և զգացին այն ամենն, ինչով երկու տարի ապրում է զինվորը:

Համալսարանի ներկայացուցիչները դատարկաձեռն չէին եկել՝ բերել էին ծխախոտ, քաղցրավենիք և զինծառայողներին անհրաժեշտ այլ պարագաներ, ինչպես նաև զորամասի գրադարանին նվիրեցին հայ դասականների հեղինակած 400 անուն գիրք:

«Հավասար, զգաստ» շարային հանդիսավոր երթով էլ զինվորական ակնթարթներով լի հագեցած օրը մոտեցավ ավարտին: Ուսանողները հրաժեշտ տվեցին արդեն հարազատ դարձած զինծառայողներին և վերադարձան վստահ լինելով, որ առաջնագծում թողել են հայրենիքի հզոր պաշտպան Հայ զինվորին, ում մարտական ոգին անպարտելի է:

Մանկավարժական համալսարանի պատվիրակության եռօրյա այցը Հայկական երկրորդ հանրապետությունը ամփոփվեց Արցախի պետական համալսարանում:

Մանկավարժականի և Արցախի պետական համալսարանների միջև համագործակցությունը տարիների պատմություն ունի. երկու բուհերը համագործակցում են կրթադաստիարակչական, գիտահետազոտական և ուսումնամեթոդական գործունեության ոլորտներում:

Արվյանականները նախ հարգանքի տուրք մատուցեցին Արցախի համալսարանի գոհված ուսանող ազատամարտիկների հիշատակին, այնուհետև շրջեցին բուհում:

«Վերջին տարիներին անուր համագործակցության հիմքեր են դրվել երկու համալսարանների միջև. համագործակցության ուղղությունները պետք է ավելի ընդլայնել՝ պրակտիկայի կազմակերպում, պրոֆեսորադասախոսական կազմի և ուսանողների փոխանակային ծրագրերի իրականացում և այլն: Դա երկուստեք անհրաժեշտ է և վստահ են, որ այն կլինի շարունակական», - ասաց Մանկավարժական համալսարանի պրոռեկտոր Արմեն Թամազյանը:

Արցախի պետական համալսարանի պրոռեկտոր Վիտյա Յարամիշյանը և կարևորելով երկու բուհերի միջև համագործակցությունը, ընդգծեց. «Այս համագործակցության շրջանակում իրականացնում ենք բազմաթիվ ուսումնական, գիտական, կրթական, մշակութային և այլ ուղղվածության միջոցառումներ:

Արցախի պետական համալսարանը ստեղծվել է մանկավարժական ինստիտուտի հենքի վրա և այս առումով ևս ՀԱՄԳ-ի հետ համագործակցությունը անհրաժեշտություն է: Այդ համագործակցությունը հաճելի գործընթաց է, քանի որ նպաստում է դասախոսական և ուսանողական կազմի շփումների արդյունավետության բարձրացմանը: Մանկավարժական համալսարանը նաև աջակցում է հայցորդների և սապիրամոների գիտական թեմաների ղեկավարմանն առնչվող հարցերում»:

ՀԱՄԳ-ի գիտական գրադարանի տնօրեն Տիգրան Պետրոսյանցի նախաձեռնությամբ Արցախի պետական համալսարանի գիտական գրադարանին նվիրաբերվեց 2015-2016 թթ. տպագրած շուրջ 100 միավոր գիրք, որի մեծ մասը Մանկավարժական համալսարանի դասախոսական կազմի հեղինակած մանկավարժական ուղղվածության գրքերն էին: Վիտյա Յարամիշյանը երախտագիտություն հայտնեց գործընկեր համալսարանին արդյունավետ համագործակցության համար և հույս հայտնեց, որ փոխադրությունները կկրեն պարբերական բնույթ:

ՀԱՄԳ-ի կազմակերպած «Ամառային դպրոց 2016» միջազգային ծրագրի մասնակից, Արցախի համալսարանի գերմաներեն և ֆրանսերեն լեզուների բաժնի ուսանողուհի Անի Հարությունյանը և կարևորում է երկու բուհերի համագործակցությունը:

«Այս համագործակցությունը և հատկապես «Ամառային դպրոց 2016» ծրագիրը մեզ մեծ հնարավորություն է ընձեռում, քանզի մեր համալսարանը պետական լինելու արդյունքում միջազգային ծրագրերի մասնակցության սահմանափակումներ ունի: Համա-



գործակցության արդյունքում ձեռք ենք բերում նոր կապեր, մասնագիտական ձեռքբերումներ, ընկերական միջավայր և բարեկամական շփումներ», - ասաց Անին և հավելեց՝ մոտ ժամանակաշրջանում նախատեսվում է ուսանողների փոխադրություններ, մասնակցություն մի շարք գիտական նստաշրջանների և գիտաժողովների:

Մանկավարժական համալսարանի պատվիրակության հագեցած եռօրյա այցը ԼՂՀ ամփոփվեց Արցախի պետամսնակութային վայրերի ճանաչողական այցով: Ուսանողները եղան Արցախի եկեղեցական համալիրներից Դարիվանքում, Փանձասարում, Դարաբաղի խորհրդանիշ համարվող «Մենք ենք, մեր լեռները» Տատ ու Պապի հուշարձանի մոտ, շրջեցին Ստեփանակերտում և գեղատեսիլ Արցախի տեսարժան այլ վայրերում:

Սոցիալական մանկավարժը կոչում է և առաքելություն

Արդեն 6-րդ անգամ հոկտեմբերի 2-ին աշխարհը նշում է Սոցիալական մանկավարժի միջազգային օրը: Տոնը ընդունվել է 44 երկրների կողմից՝ արժևորելու և ընդգծելու սոցիալական մանկավարժի մասնագիտության հիմնական մարդասիրական էությունը ու կարևորությունը հասարակության առողջ զարգացման գործում:

Մասնագիտական կրթության և կիրառական մանկավարժության ամբիոնի վարիչ, մանկավարժական գիտությունների դոկտոր, պրոֆեսոր Աիդա Թոփուզյանը շնորհավորեց «Սոցիալական մանկավարժի պատրաստման և կայացման խնդիրները ՀՀ-ում» կլոր սեղանի մասնակիցներին տոնի առթիվ, որն առաջին անգամ էր նշվում:

Մանկավարժական համալսարանում: Միջոցառման նախաձեռնությունը բակալավորիատի 4-րդ կուրսի ուսանող Միշա Թադևոսյանին էր:



Խոսելով տոնի խորհրդի, մասնագիտության կայացման ու խնդիրների մասին՝ Թոփուզյանը ձևակերպեց ինչ ասել է սոցիալական մանկավարժ, որ դա քիչ է անվանել մասնագիտություն, և որ այն նախ և առաջ կոչում է ու առաքելություն: «Մարդու մարդայնացման ջանքերն այսօր էլ շարունակվում են, փորձ է արվում աշխարհը հարմարեցնել մարդու կարիքներին», - ասփոփեց Ա. Թոփուզյանը:

ՀՀ-ում «Սոցիալական մանկավարժություն» մասնագիտության ձևավորման ու զարգացման ընթացքի և հեռանկարների մասին հանգամանորեն խոսեց մանկավարժական գիտությունների թեկնածու, դոցենտ Հակոբ Թադևոսյանը: Ձեկուցողը ոչ միայն վիճակագրական տեղեկատվությամբ ներկայացրեց մասնագիտության անցած դժվարին ճանապարհն ու ընթացիկ ձեռքբերումները, այլև ներկաների ուշադրությունը հրավիրեց ընդհանուր խնդիրների ու բացթողումների վրա:

Բանախոսի ներկայացմամբ մշակվել են «Սոցիալական մանկավարժություն» առարկայախմբի 52 դասընթացի փաթեթ, առարկայական ծրագրեր, նկարագրեր, որոնք անընդհատ կատարելագործվում են: Մասնագիտության կայացման ու զարգացմանը նպաստել են նաև գործընկեր կազմակերպությունները, որոնց թիվն այսօր 5-ն է:

Այսօր սոցիալական մանկավարժի հաստիքը ներառված է հանրապետության տարբեր հաստատություններում՝ ՀՕՖ-ի երեխաների աջակցության կենտրոնի հիմնադրամում, հմ. 18 հատուկ դպրոցում, ներառական կրթություն իրականացնող հանրակրթական դպրոցներում / 2007, Արաբկիր բժշկական կենտրոնում, այլընտրանքային խնամքի մի շարք հաստատություններում՝ երեխաների խնամքի և պաշտպանության գիշերօթիկներում և այլն:

Բանախոսի կանխատեսումները իրատեսական էին. էթե մինչ 2025 թվականը ՀՀ բոլոր դպրոցները դառնալու են ներառական, ապա այս ոլորտին առաջիկա 9 տարվա ընթացքում անհրաժեշտ կլինի

1300-1500 սոցիալական մանկավարժ: Երեխաների խնամքի և պաշտպանության հաստատություններում նախատեսվող բաժիններին անհրաժեշտ կլինի 60-80 սոցիալական մանկավարժ:

Ամփոփելով զեկուցումը՝ Հ. Թադևոսյանը ներկայացրեց սոցիալական մանկավարժի ինստիտուտի զարգացմանն ուղղված ուղերձներ: Բանախոսը փաստեց, որ հանրակրթական դպրոցներում թյուրըմբռնում կա սոցիալական մանկավարժի հաստիքի անհրաժեշտության վերաբերյալ, թե այն գործում է միայն ներառական կրթության համատեքստում, որ մասնագիտությունը պետք է ընդգրկել բոլոր դպրոցներում, դասընթացը պետք է ներդրել մանկավարժական բոլոր մասնագիտությունների ուսումնական պլաններում, իսկ հաստիքը ընդգրկել խնամքի, բժշկական, զինվորական, ոստիկանական, քրեակատարողական հաստատու-

թյուններում, ստորաբաժանումներում ու հիմնարկներում, տեղական կառավարման համայնքներում:

Ուսումնագիտական աշխատանքների գծով պրոռեկտոր Սիրուհի Գևորգյանը, ով Հոգեբանության ֆակուլտետի ղեկավար պաշտոնավարման տարիներին կանգնած է եղել մասնագիտության ներդրման ակունքներում, անդրադարձ կատարեց նոր մասնագիտության հետ կապված մարտահրավերներին և խնդիրների լուծմանը:

Կրթության հոգեբանության և սոցիալական մանկավարժության ղեկավար Ռուզաննա Թադևոսյանը, ում ղեկավարած ֆակուլտետում այսօր իրականացվում է սոցիալական մանկավարժների ուսուցումը, խոստովանեց, որ ստացած ժառանգությունը՝ դժվարությունների ու խոչընդոտների հաղթահարմամբ ձեռք բերածը այսօր շարունակում են: Նա ընդգծեց, որ սոցիալական մանկավարժի պատրաստումը պետք է դիտարկել անպայման հոգեբանության հետ համակցված աշխատանքի արդյունքում:

Ապագա սոցիալական մանկավարժ Միշա Թադևոսյանի բարձրաձայն մտորումները բավականին ուսանելի էին, առաջադրած խնդիրների ու պրակտիկայի արդյունքի եզրահանգումներ, որոնք լուծումներ են պահանջում: Օրինակ, երբեմն ավելի շատ անդրադարձել են «պետք է» և «անհրաժեշտ է», քան «ինչպես» հարցադրումներին: Թյուրըմբռնումներից խուսափելու նպատակով Միշան առաջարկեց պրակտիկայի կազմակերպումից առաջ ունենալ հազամանրեմ մշակված կիրառելի մեթոդների, մեթոդիկաների ու տեխնոլոգիաների նկարագիրը՝ շեշտը դնելով գործնական կարողությունների զարգացման վրա:

Հետաքրքիր էին նաև մագիստրատուրայի 2-րդ կուրսի ուսանողուհի Էլենա Խաչատրյանի դիտարկումները մասնագիտական պրակտիկայի վերաբերյալ: Նա աշխատում է Բյուրեղավանի գիշերօթիկ դպրոցում, ընտրել է մի մասնագիտություն, որի մասին գրեթե պատկերացում չուներ, սակայն այսօր արդեն սիրում է այդ մասնագիտությունը և ո-



...կոչում է և առաքելություն

Հինգ չի խնայում մասնագիտության
➤ 7 զարգացման համար: Նրա կարծիքով պրակտիկայի ընթացքում պետք է ճիշտ ուղղորդել ուսանողներին, ինչը շատ կարևոր է հետագա աշխատանքի կազմակերպման համար:

Անուշ Սարգսյանն էլ անդրադարձավ հանրակրթական դպրոցներում առկա խնդիրներին՝ փաստելով, որ սոցիալական մանկավարժին այսօր դիտում են սոսկ որպես բազմամասնագիտական քիմի անդամի, սովորում թողնելով նրա իրական գործառնությունը: Բանախոսն առաջարկեց դիտարկումների իր տարբերակը՝ պետք է հստակեցնել սոցիալական մանկավարժի պարտականությունները: Դա կնպաստի աշխատանքի արդյունավետությանը:

Ձեռնարկին ներկա էին նաև Մասնագիտական կողմնորոշման մեթոդական կենտրոնի տնօրեն Հայկուհի Գևորգյանը և Աշխատանքի և սոցիալական հարցերի նախարարության վարչության պետ Աստղիկ Մինասյանը:

«Սոցիալական մանկավարժն ունի վերսալ մասնագիտություն է, իսկ մեր կենտրոնի կարևոր ձեռքբերումներից մեկն այն է, որ մասնագիտական խմբերում ժամանակին ընդգրկել ենք սոցիալական մանկավարժներին: Եթե գործատուն ուզում է քիչ գումարով առավել բարձր եկամուտ ունենալ, փոքր ամենակազմով արդյունավետություն ապահովել, ապա աշխատանքում պետք է ընդգրկի այս մասնագետներին», - ասաց Գ. Գևորգյանը:

«Սա այն ոլորտն է, որն անընդհատ ենթակա է փոփոխության, որտեղ միշտ պետք է սովորել, ստեղծագործ միտք ունենալ և ճկուն լուծումներ գտնել», - օրվա խորհուրդն ու ասելիքը կարծես թե ամբողջացրեց Սոցիալական աշխատանքի նախարարության վարչության պետ Աստղիկ Մինասյանը:

Սիլվա ԱՄՐՅԱՆ

Կուլտուրայի ֆակուլտետի Պարարվեստի ամբիոնն անցկացրեց հուլի-գերեկոյ՝ նվիրված ապրիլյան քառօրյա պատերազմում հայրենիքի համար իր կյանքը զոհեց լավագույն պարող և խիզախ զինվոր, ՀՊՄՀ-ի ուսանող Նորայր Գասպարյանին:

Նորայր Գասպարյանը հետմահու պարգևատրվեց Հայաստանի ազգային պարարվեստի միության բարձրագույն պարգևով՝ «Վահրամ Արիստակեսյան» հուշանդամով:

«Կապանում բոլորը ճանաչում էին տաղանդավոր և կենսախիճ Նորայրին. դեռ փոքր տարիքից պարուսույցը հասցրել էր իր ապրած տարիների ընթացքում լուրջ հաջողությունների հասնել, վայելում էր բնակչության սերն ու հարգանքը, ընկերասեր էր, բարի, նպատակասլաց ու նվիրվող: Ընդամենը 3 ամիս և մի քանի օր էր մնացել, որ վերադառնար, սակայն հայրենիքի հանդեպ սերն ու պատասխանատվությունը Նորայրին դրդեցին հեռուսբար նահատակվել և համալրել կապանցի անահների շարքը», - այս խոսքերով հերոսին նկարագրեց հաղորդավար Սարգիս Նաջարյանը՝ հավելելով՝ ողջ Կապանը ցավում և միաժամանակ հպարտանում է, որ ունի նման հայրողի, ով բոլորին ապացուցեց, որ մերօրյա սերունդն էլ պատրաստ է իր կյանքով անգամ պահել հայրենի հողը և փոխանցել հաջորդ սերունդներին՝ վառ օրինակ լինելով իր աշակերտներին համար:

«Նորայրը կյանքով լեցուն էր և հենց այդ ակտիվությամբ էլ նետվեց ռազմաճակատ, իր հոգին տարավ այնտեղ: Բոլորս միշտ մեր սրտերում վառ ենք պահելու Նորայրի անունը ու հիշատակը. փառք քեզ, մեծանուն զավակ և Հերոս: Սա մեր ուսանողների համար ևս մեկ առիթ է վերապրել այն հայրենասիրությունը, որը Նորայրը մեզ պատգամել է՝ արել հայրենիքի համար, եթե կարիք կա՝ զուրկ չեմք անգամ տալ հայրենիքի համար՝ այս պատգամը միշտ պահեք ձեր սրտում», - ասաց Պարարվեստի ամբիոնի վարիչ Կարեն Գևորգյանը: Վերհիշելով Նորայրի ընդունելության քննությունը՝ ամբիոնի վարիչն ընդգծեց՝ նա այնքան լավ էր պարում, այնքան էներգիայով, որ



Կյանքը՝ հայրենիքին, հոգին՝ արքայությանը

հանձնաժողովը խնդրեց մեկ անգամ ևս պարել: «Բանակ գնալուց առաջ Նորայրն ասաց՝ ոտքերս կկոշտանան, բայց ձեռքերս՝ ոչ. ցավոք ձեռքերն էլ կոշտացան, նա անմահացավ և այդ անմահությամբ մեզ պատգամեց իր չապրած կյանքով՝ սիրեք հայրենիքը», - ամփոփեց Կարեն Գևորգյանը:

Նորայրի մայրը՝ Նոնա Աթաջանյանը, հուլի-գերեկոյին հիշեց որդու վերջին խոսքերը. «Առաջինն ինքս եմ գնալու առաջնագիծ, անհրաժեշտության դեպքում նույնիսկ գլուխս, կյանքս կտամ հանուն հայրենիքի: Այդպես էլ եղավ. նա պարելով մատեց տանկն ու զնաց. նա իր վերջին պարը պարեց ու չվերադարձավ»:

Մշակութաբան Գարեգին Գևորգյանը նկատեց, որ այս ձեռնարկը վկայում է՝ իսկական զավակներին հայրենի հողը շատ ավելի է սիրում, քան սովորական մարդկանց, դրա համար նրանք ավելի շուտ են զոհում դեպի հող, քան նրանք, ովքեր ավելի երկար են ապրում:

«Կուզեման, որ այս աշխարհում նրանք, ովքեր զոհեցին մեկ անգամ պարելիս բռնել են Նորայրի ձեռքը անպայման նրա հիշողության և տեսակի մասով գորավիզ լինեն նրան: Պարողի հոգին միշտ հսկելու է բոլորին վերևից, փառք նրանց, նրանք իրենց կյանքը տվեցին հանուն հայրենիքի: Նորայրը կարող էր պարը տանել հեռուներ և այդ արվեստով զարմացնել շատերին: Հպարտ եմ, որ այդպիսի զավակներ ունենք և ունենալու

ենք», - ասաց Գարեգին Գևորգյանը:

Ձինակից ընկեր Ազատ Գալեյանը ցավով վերհիշեց ծառայության լավագույն տարիներն ու Նորայրի հետ ընկերությունը: «Պատերազմի ժամանակ միասին մատեցինք տանկ, հասանք առաջնագիծ և հիշում եմ՝ նկատեցի միայն իմ տանկն է մնացել, մյուսները չկան: Ապագայի հետ կապված շատ պլաններ ունեինք, որ պետք է միասին իրականացնեինք, բայց, ավա՜ղ, պատերազմն այդ ամենը հոդս ցնդեցրեց: Ես հպարտությամբ եմ միշտ հիշում նրան, մենք պարտավոր ենք ինչ-չէլ նրան ու մեծարել», - ասաց Ազատը:

Նորայրի պարի զուգընկերուհի Իննա Ստեփանյանը 6 տարի պարել է Նորայր Գասպարյանի հետ: «Նա կրակ էր, և այդ կրակով ջերմացնում էր բոլորիս: Աննկարագրելի էներգիայով էր լցված, օրվա մեծ մասն անցկացնում էր պարասենյակում: Զավից դուրս ընկերասեր էր, ամեն ինչ կաներ ընկերների համար: Շատ նպատակներ ու երազանքներ ուներ, որոնք անավարտ մնացին, իմ վերջին հաղորդագրությունն ուղղված նրան՝ ևս անպատասխան մնաց», - Իննան հուզված վերհիշեց Նորայրի հետ իրենց վերջին հեռախոսային զրույցը:

Նորայր Գասպարյանին հարգանքի տուրք մատուցեցին ընկերները՝ նրան նվիրելով պարային և երաժշտական կատարումներ:

Սոնա ԱՄՐԱՅԱՆ

Մշակութային միջավայրում

Մանկավարժական համալսարանի 4 դասախոսներ մասնակցեցին է Լիտվայի Նիդա քաղաքում կայացած միջազգային պլենարին:

Միջազգային պլենարին մասնակցում էին նկարիչներ Հայաստանից, Հնդկաստանից, Լեհաստանից, Գերմանիայից, Սերբիայից, Բելառուսից և Ռուսաստանից:

Օրեր շարունակ հայ և այլ ազգի նկարիչներն աշխատել են, ստեղծագործել նավահանգիստներով և բազմաթիվ այլ տեսարժան վայրերով հարուստ քաղաքում, այնուհետև Նիդայի «Ազիլա» մշակույթի կենտրոնում ունեցել աշխատանքների համատեղ ցուցադրություն:

Պատվիրակության ղեկավար, կերպարվեստի ամբիոնի վարիչ, պրոֆեսոր Փարավոն Միրզոյանի կարծիքով միջազգային պլենարները տարբեր երկրների արվեստներին ծանոթանալու, դրանց առանձնահատկությունները սեփական ստեղծագործություններում կիրառելու բացառիկ հնարավորություն են: Մանկավարժական համալսարանի միջազգային պլենար կազմակերպելու նախորդ տարվա հաջող փորձը իսկական առիթ էր սկզբնավորելու տարբեր երկրներում նման պլենարներ կազմակերպելու համար:

«Այլազգի նկարիչների հետ շփումը, եվրոպական երկրներում ժամանակակից կերպարվեստի զարգացումը նրանց հետ քննարկելը կտա իր արդյունքը նկարչի ստեղծագործական կյանքում», - նշեց Փ. Միրզոյանն ու վստահեց-

րեց, որ Լիտվայի միջազգային պլենարի ՀՊՄՀ-ից մասնակից դասախոսները հետևություններ կանեն և ձեռք բերված նոր դասախոսությունների միջոցով կփոխանցեն ուսանողներին, իսկ ստեղծագործությունների շնորհիվ՝ արվեստասերներին: Գեղանկարիչը հավելեց նաև, որ Հայաստանյան պլենարը մեծ արձագանք էր գտել օտարազգի նկարիչների շրջանում, իսկ Ազգային պատկերասրահում նրանց աշխատանքների ցուցադրության կազմակերպումն ու այդ նկարները պատկերասրահի ֆոնդին նվիրաբերե-



Ը լը իրենց համար մեծագույն հպարտություն է: Միջազգային պլենարները կլինեն շարունակական. առաջիկայում նման ձեռնարկ նախատեսված է անցկացնել Վիլնյուսում:

Քրիստինե ՄԵԼՆՆԱՆ

Այցելություն Մեծամորի հնագիտական թանգարան

ՀՊՄՀ պատմության և իրավագիտության ֆակուլտետի պատմություն մասնագիտության 3-րդ կուրսի ուսանողները շարունակական պրակտիկայի շրջանակներում ՀՊՄՀ հենակետային վարժարանի հունանիտար (հոգեբանություն) 11-րդ դասարանի աշակերտների հետ պրակտիկայի ղեկավար Հայրոջ պատմության ամբիոնի դոցենտ Արմինե Եփրիկյանի ուղեկցությամբ այցելեցին Մեծամորի հնագիտական թանգարան և Ք.Ա. 3-2-րդ հազարամյակներով թվագրվող Մեծամորի հնագիտական տեղանք: Ուրախալի էր այն փաստը, որ ուսանողներին սիրով ուղեկցեց նաև Հայրոջ պատմության ամբիոնի վարիչ, պատմաբան-հնագետ Աշոտ Փիլիպոսյանը: Խոնարհ այցելեց թանգարան և ցանոթացավ թանգարանում առկա գտածոներին, որոնց վերաբերյալ ուշադրավ տեղեկատվություն հաղորդեց պրոֆեսոր Աշոտ Փիլիպոսյանը: Այնուհետև ուսանողները և աշակերտները ծանոթացան տեղանքին, տեղում ներկա գտնվեցին մի շարք հնագիտական աշխատանքների:

Ավագ դպրոցի աշակերտներին այցը ոգևորեց և հատկապես մասնագիտական կողմնորոշման ուղղությամբ խորհելու առիթ տվեց:

Թերթի նյութերի արտատպումներն առանց խմբագրության համաձայնության արգելվում է:
Հղումը պարտադիր է: Թերթը չի վաճառվում:
Հանձնված է տպագրության 20.10. 2016 թ.

Գլխավոր խմբագիր՝ Սիլվա ԱՄՐՅԱՆ
Էջադրումը՝ Պետրոս ՎԱՐԴԱՆՅԱՆԻ
Համարի պատասխանատու՝ Սիլվա ԱՄՐՅԱՆ

Գրանցման վկայական՝ 01Մ00184 տրված է 26.03.2008 թ.
Հասցեն՝ Տիգրան Մեծի 17, հեռ. 59-70-97:
Էլ. փոստ՝ asrysansilva@gmail.com
Տպագրված է «Տիգրան Մեծ» հրատարակչության տպագրատանը:
Հասցեն՝ Արշակունյաց 2
Տպաքանակը՝ 1800 օրինակ: Ծավալը՝ 2 տպ. մասով